

周  
季  
編  
略

周季編略

定海黃式三集

列國九

呂覽成于秦始皇六季謹觀世二篇皆曰今周室既滅天子已絕亂莫大于無天子漢書諸侯王

表云王赧降為庶人猶尚枝葉相持其得居其虛位海內無主三十餘季是周亡而秦不能連接其統也今依此為

列國九凡

三十五季

丙午

周君傑元季秦昭王五十二季楚考烈王八季燕孝王三季趙孝成王十一季

西都之民義不服秦亡于東都秦人取西都寶器遷西都

君于懸狐之駭

懸憚字同駭邑之小者見周紀及地理志河南郡梁縣下注

秦河東守王稽坐與諸侯通藥市稽應侯范雎所由以進

散居遺書

而雖感恩以任用之與鄭安平同者也既誅稽秦王臨朝而歎范雎請其故秦王曰吾聞楚之鐵劍利倡優拙鐵劍利則士勇倡優拙則思慮遠吾恐楚之圖秦也夫物不聚具不可以應卒今武安君死而鄭安平王稽皆叛內無甚將而外多敵國吾是以惡范雎聞秦王以此言激厲己大慙不知所出燕客蔡澤聞之西入秦先使人宣言以威怒雎曰蔡澤天下雄俊宏辯智士也見秦王必奪相位雎使人召澤意不快澤入見揖之禮又倨雎因讓澤曰子宣言欲代我相請問其說蔡澤曰吁君何見之晚也夫四時之

序成功者公人既富貴顯榮苟生命壽長終其天年而不  
夭傷豈非聖人所謂吉祥善事與若夫秦之商君楚之吳  
起越之大夫種何足願與雖知澤之欲困已謬荅曰何爲  
不可士殺身以成名死無所恨澤曰主聖臣賢天下之盛  
福也君明臣直國之福也父慈子孝夫信妻貞家之福也  
必待死而後立忠成名是微子不足仁孔子不足聖管仲  
不足大也夫人之立功豈不期于成全耶身與名俱全者  
上也名可泐而身死者次也名僇辱而身全者下也于是  
雖僇善蔡澤少得閒因曰彼商君吳起大夫種其爲人臣

雖思政功則可矣孰與闕天周公哉雖曰弗若也澤曰然則君之主惇厚舊故不背功臣孰與秦孝公楚悼王越王乎曰未知何如澤曰君之功孰與商君吳起大夫種三子雖曰不若澤曰然則君身不遇患甚于三子矣語云日中則移月滿則虧天之常數也進退靡細與時變化聖人之常道也晉大夫種爲越王懇艸剗邑辟地殖粢以禽勁吳成霸句踐終拮而殺之此功成而不公之禍也范蠡知之超然避世長爲陶朱今君之怨已申德已報願已酬而無變計竊爲君危之君何不以此時歸相印讓賢者而授之

長爲應侯世世偁孤孰與以禍終哉易曰亢龍有悔此言  
上而不能下信而不能屈往而不能自返者也雖曰善吾  
間欲而不知止失其所以欲有而不知足失其所以有先  
生卒教雖敬受命遂延澤爲上客薦之于秦王秦王召澤  
與語大說拜爲客卿雖因謝病請歸相印秦王彊起雖  
遂偁病篤免相秦王新說澤計遂拜爲相數月秦人或惡  
澤于秦王亦歸相印號剛成君居秦范伯厚通鑑答問曰  
既表亞思變計蔡澤心邪而論正其自謀亦以爲雖謀也  
澤克廢其言纔數月而免相見險能止居龍知還其全身  
非幸也故負而饋囑升而枯彼  
蘇家覆餗者曾二處之無知  
初蔡澤干諸侯不遇從唐

舉相唐舉視而笑曰先生長鼻巨肩顴頰頤頰剡舉吾聞  
聖人不相殆先生乎蔡澤知唐舉戲之乃曰富貴吾所自  
有不知者壽百願問之唐舉曰先生之壽從今以往四十  
三歲蔡澤笑而公謂其御者曰吾持梁鬻肥躍馬疾驅結  
紫綬于要捐讓人主之帛四十三季足矣乃公之趙見逐  
入韓魏復遇盜奪釜鬲于塗

依秦策史范蔡傳編文選歸田賦注引史作偁鼻戴肩顴

頤頰

春申君黃歇相楚八年楚復彊趙平原君勝使人于春申  
君歇春申君歇舍之于上舍趙使欲夸楚為瑇瑁簪刀劍

室以珠玉飾之請命春申君歇客春申君歇客三千餘人

其上客皆躡珠履以見趙使

春申君傳

燕王薨諡曰孝子喜立

燕世家

趙城元氏縣上原秦降將鄭安平收其地

趙世家

荀子況爲齊人所毀乃適楚春申君歇以荀子況爲蘭陵

令未幾客說春申君歇曰湯以亳武王以鎬皆不過百里

以有天下今荀子天下賢人也君藉之以百里之勢臣竊

以爲不便于君春申君歇于是使人謝荀子況乃適趙

楚依

策史春申君傳編史傳云春申君从而荀卿廢家蘭陵不

信之趙策鮑注辨此極詳式三按荀子傳荀卿因卒爲趙



顯而名之猶虞卿也則其自楚反趙為趙之卿信矣荀子  
長時季已入十餘反趙之後無棄趙卿而再仕蘭陵之理  
且觀下所答春申君之書大槩可見後漢書謝該傳注引  
劉向荀子後序云因召還楚復為蘭陵令唐韓子亦有廢  
成蘭陵之語蓋皆附會史傳而言之也考荀子季十五游  
學于齊當在顯王乙未丙申間下學士盛集之時春申君  
之成依越絕書在楚幽王十四季之後即依史記在楚考  
烈王之末季癸亥荀子此時果在季當百歲有餘則史傳  
春申君成荀卿  
廢之語難信也

丁未周君二季燕王喜元季秦昭王五十三季趙安釐王  
二十季韓桓惠王十九季趙孝成王十二季楚考  
烈王九季魯  
頃公十九季

魏使人因平原君勝請從于趙平原君勝三言之趙王不  
聽召虞卿謀虞卿過平原君勝平原君勝曰願卿之論從

也虞卿入見趙王曰魏請爲從何如對曰魏過趙王曰寡人固未之許對曰王過趙王曰卿旣曰魏過又曰寡人過何耶對曰臣聞小國之與大國從事也有利則大國受其福有敗則小國受其害今魏以小國請其禍而王以大國辭其福臣故曰魏過王亦過臣竊以聽魏合從爲便趙王曰善乃合魏爲從

依趙策史虞傳  
新序舊謀編

魏約與諸國從未成楚齊燕趙皆請于秦秦使摎伐魏取吳城魏乃委國聽秦

據秦紀趙策及  
史記世本

記編皇極經世云楚齊燕  
燕趙皆服于秦秦伐魏

初鐸叔為楚威王傳作鐸氏微趙成卿傳鐸氏學以救魏

齊公相印卒困于魏魏齊外虞卿不得意乃上采春秋下

觀近世著節義傳號揣摩政謀凡八篇以刺譏國家得失

世傳之曰虞氏春秋依十二諸侯年表及史虞卿傳編今

日鈔曰秦攻長平虞卿勸趙附楚魏以和秦趙不聽秦卒

不和而趙敗趙將割六城事秦虞卿使于齊以謀秦而秦

反和趙及魏欲與趙約從則卿亟勸成之卿無言不效無

謀不忠大要歸于結和鄰國以自重而使秦反輕此至當

之說也與一時東西博國之士異矣襄趙卿相而與故交

魏齊俱困大梁以著虞氏春秋其必有法烈之見而豈其

貴始能篤友誼成著述也

楚伐魯取徐州依魯世家編年表于并季楚表

書取魯魯君封于莒與世家異

趙以荀子況爲上卿客說楚春申君歇曰魯伊尹去夏入  
殷殷王而夏亡管仲去魯入齊魯弱而齊彊夫賢者之所  
在其君未嘗不尊國未嘗不榮也今荀子天下賢人也君  
何辭之春申君曰善于是使人請荀子況于趙荀子況爲  
書謝曰鄙語云癩人憐王此不恭之語也雖然古無虛誑  
不可不審察也此爲劫殺去亡之主言也楚王子圖聘于  
鄭未出竟聞王病反問疾遂以冠纓絞王殺之因自立也  
齊崔杼之妻美莊公通之崔杼遂其黨而攻莊公莊公南  
與分國崔杼不許欲自刃于廟崔杼不許莊公卷出踰于

外牆射中其股遂殺之而立其弟景公近代所見李兌用  
趙餓主父于沙邱百日而殺之淖齒用齊權閔王之筋縣  
于廟梁宿簪而外夫癘雖癘癘疵上比并世未至絞頸  
射股下比近代未至擢筋而餓外也夫劫弑外亡之主心  
之惡勢形之困苦必甚于癘由此觀之癘雖憐王可也因  
爲賦曰璇玉瑤珠不知佩也襍布與錦不知異也閭姬子  
奢莫之媒也嫫母力父是之喜也以盲爲明以聾爲聰以  
危爲安以吉爲凶嗚呼上天曷惟其同

楚策荀子賦篇韓詩外傳四合篇後

漢書謝該傳云楚人止孫卿之去國止之云耳  
未必果反楚也書賦之辭嚴厲無應召之意矣

荀子況與臨武君議兵于趙王之弟臨武君曰上得天時  
下得地利觀敵之變動後之發先之至此用兵之要術也  
荀子況曰不然臣所聞古之道凡用兵攻戰之本在乎一  
民弓矢不調則羿不能以中微六馬不和則造父不能以  
致遠士民不親附則湯武不能以必勝也故善附民者是  
乃善用兵者也兵之要在乎附民而已臨武君曰不然兵  
之所貴者勢利也所行者變詐也善用兵者威怒悠閑莫  
知所從出孫臏用之無敵于天下豈必待附民哉荀子況  
曰不然臣之所道仁人之兵王者之志也君之所貴權謀

勢利也仁人之兵不可詐也彼可詐者怠慢者也露袒者也君臣上下之閒煥然有離德者也故以桀詐桀猶有巧拙以桀詐堯譬之以卵投石以指撓沸若赴水火入焉焦沒耳故仁人之兵上下一心三軍同力臣之于君也下之于上也若子之事父弟之事兄若手臂之扞頭目而覆胸腹也且仁人用十里之國則將有百里之聽用百里之國則將有千里之聽用千里之國則將有四海之聽故仁人之兵聚則成卒散則成列延則若莫邪之長刃嬰之者斷銳則若莫邪之利鋒當之者潰國居而方止則若盤石然

觸之者隴種東籠而退耳

隴種正字作隆種東籠正字作  
凍澌言隆種車如沾雨澌而奔

且夫舉國之君將誰與至哉彼其所與至者必其民也  
而其民之親我歡若父母好我芬若椒蘭反顧其上若灼  
黥若仇讎人情豈可爲其所惡賊其所好者哉是猶使人  
之子孫自賊其父母也彼必將來告夫又何可詐也故仁  
人用國諸侯先順者安後順者危敵之者削反之者亡詩  
曰武王載發有虔秉鉞如火烈烈則其我敵遇此之謂也  
趙王臨武君曰善請問王者之兵設何道何行而可荀子  
況曰凡君賢者其國治君不能者其國亂隆禮貴義者其



國治簡離賤義者其國亂治者疆亂者弱是疆弱之本也  
上足卽則下可用也上不足卽則下不可用也下可用則  
疆不可用則弱是疆弱之常也齊人隆技擊得一首者則  
賜贖鎰金事小敵義則儻可用也事大敵堅則渙然離耳  
是亡國之兵也魏氏武卒衣三屬之甲操十二石之弩負  
服矢五十箇廬三日之糧日中而趨百里中試則復其戶  
利其田宅是故地雖大其稅必寡是危國之兵也秦人其  
生民也陋隘其使民也酷烈劫之以勢隱之以阨狃之以  
慶賞繼之以刑罰使民所以要利于上者非戰無由也五

甲首而隸五家是取爲有數故能四世有勝于天下然皆  
于賞蹈利之兵庸徒鬻賣之道耳未有安制矜節之理也  
至于齊桓晉文之兵可謂有節制矣然猶未奉仁義之統  
也

今荀子本有錯節  
此據漢荆松志

故齊之技擊不可以遇魏之武卒魏

之武卒不可以遇秦之銳士秦之銳士不可以當桓文之  
節制桓文之節制不可以當湯武之仁義有遇之者若以  
焦熬投石焉夫招延篡逆隆勢詐上功利之兵則勝不勝  
無常代翕代張代存代亡相爲雌雄百未是謂之盜兵君  
子不由也趙王臨武君曰善請問爲將荀子況曰知莫大

于棄疑行莫大于無過事莫大于無悔臨武君曰善請問王者之軍制荀子況曰將以鼓御以轡百吏以職上大夫以行列間鼓聲而進聞金聲而退順命爲上有功次之令不進而進猶令不退而退也其舉惟均不殺老弱不獵禾稼服者不禽格者不赦奔命者不獲凡誅非誅其百姓也誅其亂百姓者也百姓有扞其賊者是亦賊也臨武君曰善陳轅問荀子況曰先生議兵常以仁義爲本仁者恣人義者循理然則何以兵爲凡所爲有兵者爲爭奪也荀子況曰非汝所知也被仁者恣人恣人故惡人之害之也義

者循理循理故惡人之亂之也彼兵者所以禁暴除亂也

非爭奪也

荀子議兵漢荆法志新序穰事三通鑑合纂觀此知荀子崇王黜霸之大略也

荀子況于孔子之經無所不學魯商瞿子木受易于孔子

以傳魯橋庇子庸子庸傳江東馯臂子弓

史弟子傳云馯臂子宏傳矯子

肅莊此據漢書釋文

荀子況魯展偃子弓非相太略諸篇得易之大

旨卜子商受詩于孔子以傳曾申曾申傳魏人李克李克

傳魯人孟仲子孟仲子傳相牟子相牟子傳荀子況荀子

況傳趙人大毛公享復傳齊人浮邱伯

傳浮邱伯見漢書楚元王傳

左邱明受春秋于孔子以授曾申曾申授衛人吳起起傳其

子期期傳楚人鍾叔椒傳趙人虞卿虞卿傳荀子況荀子

況傳張蒼繁梁交受春秋于卜子商作傳傳荀子況荀子

況傳韓人申培傳申公見楊士勛疏荀子況書重于書禮以駁列莊

之輕禮主于訟周王以駁列莊之高談皇古王氏國學紀聞卷二嘗荀

卿訟後王之說本于非相篇也而非相篇云五帝之外無

傳人五帝之中無傳政禹湯有傳政而不若周之察上下

皮氣一貫王禮記如三季問樂記鄉飲酒義聘義哀公問

氏未熟讀之五義三本勸學皆出自荀子況荀子況痛濁世之政公國

亂君相屬不遂大道而榮惑于巫祝信禱祥如莊周等又

猾稽亂俗于是推先王道德及當世之行事與壞著書三

十二篇其與孟子軻之黜霸崇王大意相同孟子軻據人之氣質之正者以導君子而言性善勸人以學擴充之荀子況據人之氣質有不正者以懲小人而言性惡勸人以學變化之荀子況之論不能無所偏其云人之性惡善者僞也儒者尤不韙之而禮論云性者本始樸材也僞者文理隆盛也無性則僞之無所加無僞則性不能自美性僞合然後聖人之名一性僞合而天下治正名篇云慮積焉能習焉而後成謂之僞則荀子況之所謂僞者非誠僞之謂于文人爲爲僞欲以人事轉移之也其示人變化氣質

旨甚淡矣

辯荀子性惡之爲誤者北宋徐仲車積之說爲明然孟子亦言動心忍性又言口味目色耳聲

鼻臭四支安適之爲性程朱二子云惡者不可不謂之性

又每教學者以變化氣質爲務則孟子荀子二說在學者融會

爲一

解蔽篇云水火有氣而無生艸木有生而無知禽獸

有知而無義人有氣有生有知亦且有義故寂爲天下貴

也性惡篇云塗之人可以爲禹皆有可以知仁義法正之

質皆有可以能仁義法正之具是未嘗不言氣質之正者

以明性善也自孔子後孟子軻荀子況書皆能申明之以

學顯于世孟子軻書醕乎醕者也荀子況有小疵而不失

其大醕

孟荀列傳儒林傳序漢儒林傳及楚元王傳劉氏別錄陸氏洲本疏陸氏釋文序錄唐韓子文集合

蘇後儒論荀子者欲加之舉穀鍊漢酷參觀下甲寅大略  
可見毀謗及古賢非忌非怨直由于不知言不知人也尙  
論之難

如此

邯鄲磨火

趙世家

戊申

周君三季秦昭王五十  
四季楚考烈王十季

秦王祀上帝于雍

秦紀

楚徙都鉅陽

季表

己酉

周君四季衛懷君三十一季魏安  
釐王二十五季趙孝成王十四季

衛君朝于魏魏人執而殺之更立其弟之爲魏增者衛人

孫其君曰懷

據世家趙魏編季表  
于此書衛元君元季



趙平原君勝卒

此依世家編年表後二年

庚戌

周君五年齊元君元年秦昭王五十六年韓宣惠王二十二年趙孝成王十五年楚考烈王二十二年燕王

卒

秋秦王稷欲益曰昭亦曰昭繼于柱立年五十三矣追尊

其所生唐八子為唐太后與昭王合葬

秦紀及索隱

韓王入秦喪經弔祠

秦紀

楚使春申君黃歇入秦弔祠

楚世家

秦王以子楚為太子趙歸太子之夫人及子政于秦

呂不韋傳

燕王令其相樂毅聘于趙以五百金為趙王壽

齊史作酒下云以五

金飲人之王作酒亦通酒所以養老獻金曰壽義益本  
此如信陵君壽侯獻壽是親酌勸飲曰壽獻既辭金知不  
獻金也或曰壽反而言于燕王曰趙壯者皆歿于長平其  
酬也同膏通用孤未壯可伐也燕王召昌國君樂閒問之對曰趙四戰之  
國也其民習兵不可伐燕王曰吾以二而伐一可乎對曰  
不可燕王曰吾以五而伐一可乎對曰不可燕王大怒羣  
臣皆以爲可燕遂起兵六十萬令臬腹將兵四十萬攻鄣  
慶秦將兵二十萬攻代燕王自將偏軍隨之將渠諫曰與  
人通關約交以五百金飲人之王使者報而反攻之不祥  
師必無功燕王不聽起赴軍將渠引燕王之綬止之曰王

必無自往往無成功燕王以足蹴渠渠曰臣非以自爲爲

王也燕師至宋子趙使廉頗以八萬兵禦臬腹于鄣使樂

桑以五萬兵禦慶秦于代逆擊之破其軍殺臬腹虜慶秦

于是樂閒奔趙燕策燕世家季表編樂毅傳作禽臬腹樂桑與此異

冬十二月己亥朔秦王卽位以爲元季正月朔越三日辛

丑秦王柱欒諡曰孝文子楚立以所養母萇陽后爲萇陽

太后尊所生夏姬爲夏太后秦紀呂不韋傳楚後諡莊襄王

辛亥周君六季秦孝文王元季趙孝成王十六季燕王喜五季齊王建十五季韓相惠王二十三季

趙將廉頗追燕師五百餘里遂圍燕燕急請和于趙趙人

曰必令將渠處和燕王乃使將渠爲相割五城以和趙趙  
師乃去趙于是以廉頗爲假相國封信平君廉頗之免長  
平而歸也失勢之時故客盡去至是客復至廉頗曰客退  
矣客曰吁君何見之晚也夫天下以市道交君有勢則從  
君無勢則去此其理也有何怨乎

據廉傳趙世家合纂通鑑載圍燕事于并季據

趙世家圖燕在此季

初齊聊城爲燕將所拔聊城人譖之燕燕將思誅因保守  
聊城不敢歸齊使安平君田單將兵圍燕將于聊城歲餘  
不下魯仲子連乃爲書約之矢以射城中遺燕將以陳利

書曰吾聞之智者不倍時而棄利勇士不怙死而滅名忠臣不先身而後君今公行一朝之忿不顧燕王之無臣非忠也殺身亾聊城而威不伸于齊非勇也功廢名滅後世無俾非智也故智者不再計勇士不怙死今死生榮辱尊卑貴賤此一時也願公之詳計而無與俗同也夫楚攻南陽魏攻平陸齊以爲亾南陽平陸之害小不若得濟北之利大定計而堅守之是棄南陽斷右壤定濟北計猶且爲之也今秦人下兵魏不敢東面橫秦之勢合則楚國之形危楚魏交還燕救不至以全齊之兵無天下之規與聊城

其據葦率之敝則臣見公之不能待也齊必決之于聊城  
公無再計且燕國大亂君臣失計上下迷惑東腹以四十  
萬之眾半折于外萬乘之國被圍于趙壤削主困爲天下  
僇笑今公又以敝聊之民距全齊之兵葦率不解是墨翟  
之守也會人炊骨士無反北之心是孫臏吳起之兵也能  
已見于天下矣故爲公計不如罷兵休士全車甲歸報燕  
王燕王必喜士民見公如見父母交游攘臂而議于世功  
業可明上輔孤主以制羣臣下養百姓以資說士矯國革  
俗功名可立也無已亦捐燕而東游于齊乎請裂地定封

富比陶衛世世傳寡與齊久存亦一計也此二者顯名厚  
實也願公執計而審處也吾聞效小節者不能行大威惡  
小恥者不能立榮名管仲射桓公中鉤寡也遺公子糾  
而不能死恫也東縛極桎辱也此三行者鄉里不通也世  
主不臣也鄉使管仲幽囚而不出慙恥而不反齊窮卒沒  
壽不免爲辱人賤行矣管子棄三行之過據齊國之政一  
匡天下九合諸侯爲五霸首名高天下光燭鄰國曹沫爲  
魯君將三戰三北喪地五百里鄉使曹子計不反顧議不  
旋踵刎頸而死則亦不免爲敗軍禽將矣曹子棄三北之

恥而退與魯君計桓公朝天下會諸侯曹子以一劍之任  
枝桓公之心于壇坫之上顏色不變辭氣不悖三戰之所  
蹙一朝而反之天下震動驚駭威加吳楚傳名後世若此  
二公非不能行小節歟小恥也以爲殺身絕世功名不立  
非智也故公忿慙之怨而成終身之名除忿悁之恥而立  
桑世之功是以業與三王爭流而名與天壤相比也此妙  
子勸學曰惟德得與天地相比也與此正同策公其擇一  
作敵敵此贊同鮑注云天壤敵此名乃敵失之而行之燕將見仲子連書泣三日欲歸燕已有隙人譏之  
恐誅而降齊又非志也乃喟然歎曰與人刃我甯自刃遂



自殷于是聊城亂安平君田單克聊城歸言得仲子連于  
齊王欲破之仲子連逃之海上曰吾與也如富貴而誦于人  
甯貧賤而輕世肆志勇初連率十二號千里駒至是時有  
齊辯士田巴議稷下毀五帝舉三王服五伯離堅白合同  
異一日而服千人仲子連往謁之曰吾聞堂上不糞郊艸  
不芸白刃交蒞不救流矢急則不暇緩也今楚軍南陽趙  
伐高唐燕人十萬在聊城不公國亡在旦夕先生柰樂之  
何若不能此則先生之言有似梟鳴出城而人惡之願先  
生勿復言田巴曰謹聞命矣及仲子連說燕將得聊城已

謂仲子連之師徐訪曰先生乃飛兔也豈直千里駒哉已  
終身不談魏王問高士于孔斌斌曰世無其人也抑可以  
爲次其魯仲連乎魏王曰魯仲連彊作之者非體自然也  
斌曰人皆作之作之不止習與體成則自然矣齊策史魯仲連傳孔  
叢子執節篇又參用正義引魯連子書合編按連子書云  
先生乃飛兔也已傳連爲先生則非季十二時千里駒之  
名追敘少季事耳若以此說燕將爲少季事則誤矣蘇子  
由古史曰戰國遊談之士非從卽橫說行交合寵祿附之  
故事不厭詭詐爭忤于利魯仲連辯過秦儀氣凌髡衍而  
從橫之利不入于口因事放言切中機會不終日而成功  
逃避竅實脫屣而去  
戰國中一人而已

燕王遺書謝樂閒曰寡人不佞不能奉順君憲故君捐國

而公則寡人之不肖明矣敢謁其願而君不可聽故使使者陳愚意君試論之語曰仁不輕絕智不輕怨君之于先王也世之所明知也寡人望有非則君掩蓋之不虞君之明舉之也望有過則君教誨之不虞君之明棄之也且寡人之舉國人莫不知天下莫不聞君微出明怨以棄寡人寡人必有舉矣雖然恐君之未盡厚也諺曰厚者不毀人以自益也仁者不危人以要名也故掩人之邪者厚行也救人之過者仁道也世有掩寡人之邪救寡人之過非君孰望之今君厚受位于先王以成尊輕棄寡人以快心則

掩邪收過難得于君矣國之有封疆猶家之有垣牆所以  
合好掩惡也室不能相和出語鄰家未爲通計也怨惡未  
見而明棄之未爲盡厚也寡人雖不肖乎未如殷紂之亂  
也君雖不得意乎未如商容箕子之累也然則不內蓋寡  
人而明怨于外恐其適足以傷于高而薄于行也非然苟  
可以明君之義成君之高雖任惡名不難受也明寡人之  
薄而君不得厚揚寡人之辱而君不得榮此一舉而兩失  
也義者不虧人以自益況傷人以自損乎君無以寡人不  
肖曩往事之美曾者柳下惠爲吏于魯三黜而不忤或謂

之曰可以公柳下惠曰材與人異惡往而不黜乎猶且黜  
乎爾于故國爾柳下惠不以三黜自累故并業不怠不以  
公爲心故遠近無議今寡人之舉國人未知而議寡人者  
徧天下語曰論不修心議不繫物仁不輕絕智不簡功簡  
棄大功者輟也輕絕厚利者怨也輟而棄之怨而累之空  
枉遠者不望之于君也今以寡人無舉君豈怨之乎願君  
捐怨追惟先王復以教寡人意君曰余且快心以成爾過  
不顧先王以明爾惡使寡人進不得修功退不得改過君  
之所制也唯君圖之此寡人之愚意故以書謁之樂聞怨

不用其計卒留趙不報

燕策樂傳新序禮事三合纂新序以此為燕惠王遺樂穀書則異

趙以樂乘為武襄君賞虜慶秦之功也

趙世家樂穀傳

秦使蒙驁伐韓韓獻成舉鞏秦自是界至大梁置三川郡

秦紀以此為莊襄王元年事按秦紀莊襄王四年表止三

季由孝文王即位止三日紀連孝文王元年季數之故云四

季故紀所言元年事當在辛亥徐廣季表注誤通鑑綱目大事記俱沿之今正成舉鞏蒙恬傳作成舉漿陽

韓相張平卒

據史留侯世家

王子

周君七年秦莊襄王元年季趙孝成王十七年齊王建十六年魯頃公二十四年楚考烈王十四年燕王喜

六

秦以呂不韋為相

季表呂傳

東都君與諸侯共伐秦不利而還秦王使相國呂不韋送

師寇東都遷東都君于陽人聚以奉其祭祀東都亡秦增

七邑河南洛陽繁城平陰偃師鞏緱氏乃封不韋為文信

侯會河南洛陽十萬戶周紀徐廣注秦紀呂不韋傳

楚滅魯徙魯君于卞邑為家人卒諡頃公據魯世家及季表編表下

作下世家頃作頃稽古錄書于并一季魯起周公至頃公凡三十四世

秦使蒙驁攻趙太原秦紀以此為二季實元季通鑑大事記缺此事綱目并下三十七城為一事

趙使信平君廉頗武襄君樂乘伐燕圍其國都燕重禮以

和乃解

趙世家  
樂傳

齊君王后歿君王后事秦謹與諸侯信以故齊十餘年不  
受秦兵秦王嘗遣使遺君王后玉連環曰齊多智能解此  
環否君王后以示羣臣羣臣不知解君王后引椎椎破之  
謝秦使曰已解矣及君王后病已篤誠建曰羣臣之可用  
者某某建曰請書之君王后曰善取筆牘受言君王后曰  
老婦已忘矣

策生怒建之不小心受  
託以病昏耳齊策

癸丑

秦莊襄王二年魏安釐王二十九年趙孝成  
王十八年楚考烈王十五年燕王喜七年

趙信平君廉頗與延陵鈞連師助魏攻燕

趙世家



秦穰鶩攻魏高都拔之遂攻趙取榆次狼孟等三十七城  
參秦紀季表攻之秦紀之三季即表之二季也秦紀言攻魏高都拔之式三按後之言拔高都月拔及在始皇七年季魏景湣王三季見秦紀及魏世家此當刪拔字

四月日有食之

成卿謂楚春申君歇曰吾聞之春秋于安恩危危則慮安  
今楚王春秋高矣而君之封地不可不早定也為主君慮  
封其如遠楚春申君歇因言于王曰淮北邇于齊其事急  
請獻淮北十二縣以爲郡而徙封臣于江東楚王許之春  
申君歇因城吳故虛自爲都邑而徙封焉

楚策季表春申君傳據越絕書

封吳在  
幽王時

甲寅

秦莊襄王三季韓桓惠王二十六季魏安釐王三十季趙孝成王十九季燕王喜八季

秦王毆攻韓上黨悉拔之

秦紀韓世家

秦初置太原郡

秦紀上黨以北皆太原地并季所取趙三十七城皆是見史索隱

魏信陵君無忌畱趙十季不歸魏師數敗至是秦復使蒙

驁伐魏魏王患之使人往請信陵君無忌信陵君無忌不

敢歸客莫敢勸之毛公薛公曰公子所以重于趙名聞諸

侯者徒以有魏也今秦攻魏魏急而公子不恤使秦破魏

而夷先王之宗廟公子將何面目立天下乎語未及卒信

陵君無忌立變色趨駕歸救魏魏王見信陵君無忌相與  
泣而以上將軍印授信陵君無忌信陵君無忌既將于昆  
遣使告諸國諸國聞信陵君無忌將各遣兵救魏信陵君  
無忌乃以魏師會楚燕趙韓四國之兵與秦將蒙驁戰于  
河外驚敗吞遂乘勝逐秦軍至函谷關秦兵不敢出當是  
時信陵君無忌威震天下諸國之客進兵汭信陵君無忌  
擇其善者存之故世俗稱魏公子兵汭有安陵人縮高之  
子仕于秦秦使守管信陵君無忌攻管不下欲使縮高攻  
之因遣人謂安陵君曰君其遣縮高吾將仕之以五大夫

安陵君曰安陵小國也不能必使其民使者自往請之使  
正導使者至綰高之所綰高曰君之卒高也將使高攻管  
也夫父攻子守人所笑也見臣而下是背主也父教子背  
亦非君之所喜也敢再拜辭使者歸報信陵君無忌大怒  
遣使之安陵君所曰安陵之地亦猶魏也

本魏地魏襄以封其弟今

吾攻管而不下則秦兵及我社稷必危矣願君生東綰高  
而致之若君弗致無忌將發十萬之師以造安陵城下安  
陵君曰先君成侯受詔襄王以守此地也手授大府之憲  
憲之上篇曰子弑父臣弑君有常刑不赦國雖大赦降臣

匹于不得與焉是君臣父子之義甚重矣今繡高辭大位以全君臣父子之義而君必曰生致之是使我負襄王之詔而廢大府之憲也雖死不敢行繡高聞之曰信陵君悍猛自用此辭反必爲國禍吾已全已無連人臣之義矣豈可使吾君有魏患乎乃往使者之舍刎頸而死信陵君聞之繡樂避舍使人謝安陵君以釋舉

信陵君傳魏策通鑑合編式三按二周既

滅魏信陵君猶能制秦則列國有人秦安能帝哉雖然天欲亡魏信陵君旋死蓋是時天意屬漢矣據漢書高紀注

高祖是季生

秦與魏惡因魏太子增奔質于秦欲囚之增使辯士謂秦

王曰公孫喜固謂魏相曰請以魏急擊秦秦王怒必囚增  
魏王因囚增怒擊秦秦必傷今王囚增是喜之計中也不  
若貴增以疑齊韓秦王乃不囚增

魏世家

五月丙午秦王楚蒙誼曰莊襄子政立年十三矣國事皆

決于文信侯呂不韞號稱仲父

秦紀呂傳合編始皇立而漢高祖生天意可畏

秦晉陽復歸趙

秦紀

趙與燕易土趙以龍兒汾門臨樂與燕燕以萬武陽平舒

與趙

趙世家

楚上蔡人李斯奉少爲郡小吏見吏舍廁中鼠食不潔人

大數驚恐之倉中鼠會積粟不見人犬之驚斯歎曰人之  
賢不肖譬如鼠矣在所自處耳乃從荀子視學帝王之術  
學未成欲仕度楚王不足事六國皆弱見秦之勢彊欲適  
秦辭于荀子況曰今秦王欲吞天下傳帝而治以偃從事  
不拘仁義此布衣馳驚之秋也處卑賤之位而計不爲者  
此禽鹿視肉人面而能彊行者耳問世而惡利非士之情  
也斯將西說秦王矣荀子況曰汝所謂偃者不偃之偃也  
吾所謂仁義者大偃之偃也以仁義修政則民親其上樂  
其君而輕爲之歟秦四世有勝訕訕然常恐天下之一合

而軋已也此所謂末世之兵未有本統也今汝不求之于本而索之于末此世之所以亂也李斯不聽而入秦至秦

莊襄王已歿乃求爲呂不韋舍人不韋才之任以爲郎期

荀子議兵合纂宋蘇氏因李斯而毀荀子讀李斯傳而未檢荀子全書有甚矣讀書之難而立論之不可輕也

乙卯

秦始皇元季趙孝成王二十季魏安釐王三十一季燕王喜九季

秦蒙驍擊趙晉陽取之秦紀

秦見魏之用信陵君無忌也使人行萬金于魏求晉鄙之故客以閒信陵君無忌晉鄙故客既受金乃毀于魏王曰公子無忌在外十季矣今爲魏將諸國將皆屬諸國徒聞



魏公子不聞魏王公子亦欲因此時定南面而王諸國畏  
公子之威方其立之秦數使反間偽賀公子得立爲王未  
也魏王日聞其毀不能不信迺使人代信陵君無忌將信  
陵君無忌自知再以毀廢不能自明乃謝病不朝與賓客  
長飲醕酒以爲樂又多近婦女因以自晦本信陵君傳依  
稽古錄編于此  
李通鑑載于齊季式三按傳云四歲病酒而卒以首尾通  
言之稽古錄是呂氏曰戰國以來能敗秦者孟嘗信陵二  
君耳一則名之正也一則將之賢也名以利敗賢以毀廢  
六國之亡豈得真命于天哉式三謂天之棄六國也已久  
矣信陵君之  
威天爲之也

秦文信侯呂不韋謀廢趙之河間使剛成君蔡澤仕燕秦

蔡傳甘茂傳合縱後張  
唐相燕是其謀之成也

齊人李伯見趙王趙王說之以爲代郡守未幾人告之反

趙王方饋不墮會

墮會也

告者又至復不應已而李伯之使

者至言齊舉兵擊燕恐其以擊燕爲名而實以襲趙故登

陣自備今齊燕已交兵臣請要其敝而地可多割自是後

趙王從事于外之臣無自疑于中者以爲趙王之任人不

疑也然趙王不知人輕于信人故是時國之忠而可用者

如信平君廉頗武襄君樂毅無幾人而有幸臣封建信君

者權重于趙魏公子牟過趙趙王問所以治天下魏牟曰

王能重國若尺帛則國治矣趙王怒魏牟曰王無怒請問  
王有此尺帛何不令耶中以爲冠趙王曰耶中不知爲冠  
魏牟曰爲冠必待工而後使之今爲天下之工或非人社  
稷爲虛吳先主不血會而王不以與工乃與幼艾且趙之  
先王駕犀首而驂馬服與秦角趙秦當時避其鋒今聶建  
信君以與彊秦角逐臣恐秦折王之輅也建信君怒言秦  
文信侯呂不韋之無禮希寫曰吾以爲今世用事者不如  
商賈夫良商不與人爭買賣之價而謹司時時賤而買雖  
貴已賤矣時貴而賣雖賤已貴矣今既不能與文信侯相

抗以權而責其少禮耶客有見趙王者曰臣聞王使人買  
馬不遣建信君治國而與建信君何也趙王未應客曰恣  
有所謂桑癰者王知之乎桑癰者優辟左右之人及夫人  
優恣孺子也是皆能棄王之醉晉而求所欲于王者也是  
能得之于內則大臣爲之在恣于外矣故日月暈于外其  
賊在于內謹備其所懼而禍在于所恣蓋趙王之寵任失

人如此趙策無季可附類敘  
于趙王將夢之辨

丙辰趙孝成王二十一年  
秦始興  
二季魏安釐王三十二季

趙王使信平君廉頗伐魏取繁陽趙王丹然曰事成子

偃立使武襄君樂乘代廉頗頗怒不受命遂攻樂乘在頗

出奔魏廉傳趙世

秦廉公連師伐魏攻卷斬首三萬秦紀

丁巳趙悼襄王元年秦始皇三年韓桓惠王二十九年燕王喜十一年

趙大倚魏欲通平邑中牟之道不成趙世家大倚魏為句趙欲以平邑通中牟

事不成而備之也

趙李牧大破匈奴十餘萬騎單于奔去遂為趙大將初李

牧本趙之北邊良將也嘗居代雁門備匈奴以便安置吏

設賞皆自決之軍市之租皆輸入幕府自用為士卒費日

擊數牛饗士習騎射警烽火多閒謀厚遇戰士爲約曰匈奴入盜則急入休有故捕虜者斬由是匈奴再入烽警輒入休不戰如是數歲亦不亡失然匈奴皆以李牧爲怙雖趙邊兵亦以爲吾將怙趙王讓之李牧如故趙王怒使它人代將歲餘屢出戰不利多亡失邊不得由是趙王復請李牧牧杜門解病不出趙王聽趙之李牧曰必欲用臣如屏乃敢受命趙王許之李牧至邊如故約匈奴數歲無所裨終以爲怙邊士曰得實賜而不用官服一戰于是退車得千三百乘退騎得萬三千四百余之士五萬人殺者十

萬人悉勒習戰大縱畜牧人民滿野匈奴小入詳北不勝  
以數十人委之單于間之大連取來人李牧多爲奇陳張  
左右翼擊之大破之遂滅襜褕破東胡降林胡先是天下  
冠帶之國七而秦趙燕三國邊于戎翟秦自隴以西有隴  
諸緄戎翟獯之戎岐梁涇漆以北有義渠大荔烏氏朐衍  
之戎而趙北有林胡樓煩之戎燕北有東胡山戎各分敵  
居谿谷自有君長往往而聚者百有餘戎然莫能相一其  
後義渠築城郭以自守而秦稍蠶食之至秦惠王遂拔義  
渠二十五城秦昭王時宣太后誘義渠王殺諸甘泉遂發

兵伐義渠滅之始有隴西北地上郡築長城以距胡趙武  
靈王北破林胡樓煩築長城自代傍陰山下至高關爲塞  
而置雲中雁門代郡其後燕將秦開爲質于胡胡甚信之  
歸而襲破東胡卻地千餘里燕亦築長城自造陽至襄平  
置上谷漁陽右北平遼西遼東郡以距胡至此李牧復卻  
匈奴其後十餘年不敢近趙邊

李牧傳匈奴傳漢書  
馬唐傳大事記合編

秦蒙騫伐韓取十三城

秦紀十三城韓世家蒙恬傳同季  
表作十二城蒙恬傳作十一

秦大饑

秦紀

十月秦蒙騫伐魏攻陽有詭

秦紀



燕王使太子丹入質于秦文信侯呂不韋請張唐往相燕  
陳與燕伐趙廣河間之地張唐與趙有宿怨以趙趙未伐  
韓有甘羅者年十二事呂不韋說張唐曰卿之功孰與武  
安君唐曰不如也甘羅曰應侯之于秦也孰與文信侯  
尊唐曰不如文信侯專甘羅曰應侯欲攻趙武安君難之  
立死于杜郵今文信侯自請卿相燕而不可行臣不知卿  
从處矣張唐由是行行有日甘羅請于呂不韋得車五乘  
爲張唐先報趙趙王郊迎甘羅甘羅曰王聞燕太子丹入  
質秦與曰聞之甘羅曰聞張唐相燕與曰聞之甘羅曰秦

蘇台欲攻趙趙危矣王不如齎臣五城以廣河間趙王從

之秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之上秦策甘傳合編策傳言趙攻燕得上谷非一季事羅為

之將也今謂之是中郎中之計也不如遣春平君而謂平

將侯平都侯曹行信乎趙王後必厚割地以酬之不與從

其言趙策趙世家  
秦紀年表

七月秦韓飛自東方來破夫李表作七秦紀  
十月無終

天下大疫秦紀

趙城韓舉趙世家

魏王國蒙諶安釐子增立安釐亦作安釐下復傳景帝王  
韓非有度篇錄安釐之事于史

無

魏信陵君無忌卒李表魏世家同戰國四公子信陵君叙  
贊并正王蒙後正蒙驚信陵君用秦安

得亡魏耶然天欲亡魏非

曰矣信陵君安得不威

已未

魏景湣王元年秦始皇五年趙悼襄王三年燕王喜十三年

秦蒙龍伐魏取酸棗燕虛長平等二十城初置東郡秦紀表蒙

傳

燕王使劇辛建兵伐趙趙使龐煖連師禦之殺劇辛取燕

師二萬初劇辛在趙與龐煖善已而仕燕燕王見趙數困

于秦廉頗公而龐煖將輕之間于劇辛劇辛亦以龐煖為

易敵也而辛自殺燕軍大敗騎兵之禍如此趙世家

趙聞魏將以求親于秦孔斌曰此君之下吏計過矣比目

之無所以不見得于人者以耦觀而俱在也秦有兼吞天下之志所以不敢并國趙魏者以二國并目周旋者也今無故自離以資彊秦拙謀無過此者故曰君之下吏計過也夫連雞不能上棲亦猶二國構難不能自免于秦也願王孰慮之趙王曰謹受命于是趙相魏相會于魯柯孔叢子論

勢率表

冬雷

秦紀漢五行志

楚黽冠子隱居溪山衣被麋空以黽為冠因以為號黽煖常師事之煖既顯仕于趙黽冠子思其薦己也乃與煖絕

著書十九篇襍入刑名家環流篇曰命者自然者也命之所在賢不必得不肖不必失故有一日之命有一季之命有一時之命有終身之命惟聖人而後能決之學問篇曰不提生于弗器賤生于無所用中河失船河一作流一壺千金貴賤無常時物使然此言之善者也子賜冠

庚申

楚考烈王二十二年魏景湣王二年趙悼襄王四年韓桓惠王三十二年衛元君十一年秦始皇六年燕

王喜十四年齊

王建二十四年

楚魏趙韓燕衛合從以擊秦趙王爲從長春申君歇主其事取壽陵復攻郢不克至閭谷關秦師出六國之師皆在

月  
移攻齊取饒安以其不合從也

秦紀春申君傳趙世家

魏恃春申君歇之約不設備客謂魏王曰昔曹恃齊而輕  
齊齊伐釐莒而晉人亡曹繆恃齊而輕趙齊和子貜而起  
人亡繆鄭恃魏而輕韓魏伐榆關而韓氏亡鄭原恃秦翟  
而輕晉秦翟季饑而晉人亡原中山恃齊魏而輕趙齊魏  
伐楚而趙亡中山此五國所以亡者皆有所恃也今王恃  
楚之春申君以是擯秦倘春申君有變是王獨受秦患也  
是王有萬乘之國而以一人之心爲命也臣以此爲不完  
願王孰計之也

魏策鮑本以此爲安  
釐王十八年未是

天下合從趙使魏加見春申君歇曰君有將乎曰有矣僕  
欲將臨武君魏加曰臣願以射譬之管夏胤與魏王處京  
臺之下曰臣能爲王引弓虛發而下鳥魏王曰射可至此  
乎有聞雁從東方來果以虛發而下之魏王曰射可至此  
乎夏胤曰此譬也魏王曰先生何以知之對曰其飛徐而  
鳴悲飛徐者故創痛也鳴悲者久失羣也故創未息驚心  
未去聞弦音引而高飛創痛而殞也今臨武君嘗爲秦譬  
不可爲拒秦之將也

楚策荀子議兵篇楊注擊譬古今字說文擊伐木餘也此用已受新伐之

義也



楚王以伐秦之無功咎春申君歇情盪疏朱英曰先是秦  
善楚而不攻者秦踰颍而攻楚則不便假道于兩周背韓  
魏而攻楚亦不便今魏將亡不能忘其許鄆陵將割以與  
秦割以與秦則秦兵距陳百六十里臣見秦楚之日鬪也  
楚于是左陳徙壽春改名壽春曰郢春申君歇就封于吳  
行相事魏策楚世家春申君傳  
通鑑朱英魏策作魏歇  
秦伐魏拔朝歌伐衛拔濮陽并濮陽于東郡衛君達其支  
屬徙居野王季表魏衛世家依世家是衛元君十四季依  
季表是元君十二季秦紀以為衛君角事  
秦呂不韋以齊魏趙楚四公子皆下士士如荀卿之徒著

書布天下秦雖彊而羞不及因招致士厚遇之食客三千人使其客各諛所聞集之為八覽六論十二紀二十餘萬言號曰呂氏春秋布咸陽市門縣千金其上延諸國客有

能增損一字者予千金

呂傳書作春秋下始皇七年序曰維秦入季歲在涒灘涒申歲

入益六之謬也近畢氏校呂春秋引錢竹汀超辰說嚴儀橋以八為四之謬四季太陰在申皆未是

辛酉

秦始皇七年魏景湣王三年趙悼襄王五年

彗星先出東方見北方五月見西方

秦紀

秦蒙驩伐魏拔汲黯卒

秦紀魏世家蒙恬傳蒙子武武子恬

彗星復見西方十六日

秦紀

趙使傅抵將兵居平邑使廣舍將東陽河外之兵守河梁

趙世

家

王戌秦始皇八年魏景王四

河水溢魚逆流而上秦民遭水害者東就食秦紀又漢五行志以成蟜

嫪毐事為河水大上之應

秦王弟長安君成蟜將軍擊趙至屯畱有叛謀趙封以饒

受之事不克成蟜自殺軍吏皆斬外卒之從叛而外者戮

其屍徙屯畱之民于臨洮秦紀趙世家

秦嫪毐私事太后封長信侯事無大小皆決于毐秦紀

魏以鄴與趙

趙世家

韓王嬰謚曰桓惠子安立

韓世家

韓以玳爲相

大事記從李斯傳修見韓之所以滅也

秦王欲見頡弱頡弱曰臣之義不參拜王能使臣無拜則可矣不則不見也秦王許之頡弱進見曰天下有無其名而有其實者有無其實而有其名者有無其名又無其實者王知之乎秦王曰弗知頡弱曰無其名而有其實者商人無挹推耨之勞而有積粟之實也無其實而有其名者農夫是解凍而耕暴背而耨無積粟之實也無其實

又無其名者如王是爲萬乘主無孝之名以千里養無孝  
之實秦王悻然而怒頓弱曰山東戰國有六威不掩于山  
東而掩于母臣竊爲大王不取也秦王曰山東之戰國可  
兼與頓弱曰韓天下之咽喉魏天下之胸腹王資臣萬金  
而游聽臣之韓魏入其社稷之臣于秦則韓魏從而天下  
可圖也秦王曰寡人之國貧不能給也頓弱曰橫成則秦  
帝秦帝卽以天下供養從成則楚王楚王則王雖有萬金  
弗得私也秦王曰善乃資萬金使游

秦策

癸亥

韓王安元季秦始皇九季魏景  
湣王五季楚考烈王二十五季

彗星見或竟夫

秦紀

秦伐魏攻垣蒲陽拔之

魏世家秦表蒲陽下有衍字此從秦紀分攻衍爲二事

夏四月寒民有凍死者

秦紀又漢五行志云將冬雷此四月寒數年之間緩急失序寒煥輒

應

秦王宿雍行冠禮帶劍

秦紀

秦繆毒矯王御璽及太后璽以發縣卒及衛卒官騎戎翟君侯舍人欲攻斬季宮爲亂事覺令相國昌平君昌文君發卒攻毒戰于咸陽毒敗在九月夷毒三族其黨皆軍裂滅宗舉輕者爲鬼薪舂櫟徒屬凡四千餘家

秦紀

秦王遷太后于雍棧陽宮

秦紀曰傳昭刻案隱本于呂傳引說苑棧陽作咸陽者誤今本

說苑尊賢作其陽宮按下文迎太后于雍作咸陽宮爲是黃陽宮在郿縣

楚王完璆諡曰考烈子悍立國亂初楚王無子春申君歇患之求婦人宐于者進之甚眾卒無子趙人李園有妹欲進諸楚王乃求爲春申君歇舍人已而謁歸故失期還謁春申君歇問之李園曰齊王使人求臣女弟與其使者飲遂失期春申君歇曰聘入乎李園曰未也春申君歇遂言諸楚王召入卒之十月生男悍立爲太子李園女弟爲王后李園亦貴用事楚王病朱英謂春申君歇曰世有無望

之福亦有無望之禍

無望猶不測也易无妄本作无望言天命不祐之時難測禍福也此據史

作無望策作無妄

今君處無望之世事無望之主誰爲無望之人

平曰何謂無望之福朱英曰君相楚二十餘季矣名爲相國其實王也王今病旦其將薨歟而君相幼主王長而反國否則南面稱孤此所謂無望之福也曰何謂無望之禍朱英曰李園不爲兵而奢於士久矣王薨李園必先入乘權將殺君此所謂無望之禍也曰何謂無望之人朱英曰君先仕臣爲郎中王薨李園先入臣爲君殺之此所謂無望之人也春申君歎曰足下置之李園弱人也僕又善之



何至于此宋英知言不用亡在後十七日楚王完襲李園

果先入伏歿士殺春申君歇于是使吏盡捕誅其家策史

申君納李園妹知報而獻之據越絕書十四篇則云烈王

娶李園妹十月產子男則史之說非矣夫春申君果知

姦而出諸諱富言諸王而人卒之則事非一月安必其十

月後生子乎生而果男乎行不可知之詭計春申君何愚

此必後負芻謀弑哀王猶之誣言也越絕書二篇言幽王

立封春申君于吳三季徵為令尹使其子攝吳事十一季

幽王徵其子與春申君并殺之事此十四

季古事難攷如此讀史者不成人之惡可也

秦楊端和伐魏攻衍拔之秦紀魏世家

彗星見西方又見北方從斗以南八十日秦紀

甲子楚幽王元季秦始皇十季齊王

建二十八年季趙悼襄王八年季

秦呂不韋坐嫪毐事免相就國河南桓斷爲將軍

秦紀

秦迎太后復于咸陽南宮從茅焦之諫也初太后徙雍秦  
王下令曰敢以太后事諫者殺之死者已二十七人羸  
其脊肉餘四支而積之并榦闕下齊客茅焦請諫秦王使  
人謂之曰不見夫積闕下二十七人耶對曰臣聞天有二  
十八宿今死者二十七人臣之來欲備其數耳臣非畏死  
者也使者入白秦王曰是子故犯吾禁趣炊鑊湯烹之是  
安得積闕下乎趣召之入秦王按劍而坐口沫出焦緩行  
至則再拜謁起而言曰臣聞有生者不諱死有國者不諱

凶賊必者不得坐譴凶者不得存歿生存凶聖主所急欲  
聞也陛下欲聞之乎秦王曰何謂也對曰秦方以天下爲  
事而大王遷母太后有不孝之名秦將士有桀紂之俗  
恐諸國聞之盡瓦解無鄉秦者將由此凶秦也茅焦言畢  
解衣伏劍秦王赦之茅焦就衣于是秦王乃自轎虛左在  
迎太后于雍以茅焦爲傳車上卿太后曰抗姪令直使數  
復成安秦社稷使妾母子復相見者茅君之力也秦紀  
正義  
楊子治言通鑑台編咸陽南宮秦紀作甘泉宮按秦紀及  
三輔黃圖皆言如皇二十七季作甘泉宮此從徐廣注引  
表云咸陽南宮今  
表闕南宮二字

齊王趙王入秦置酒

秦紀  
年表

大梁人繆說秦王曰以秦之彊諸侯如郡縣之臣但恐諸侯合從翕而出不意此乃智伯夫差潛王之所以亡也願大王不愔財物將其豪臣以亂其謀不過用三十萬金則諸侯可盡秦王說從其計見繆充禮衣服飲會與繆同繆曰秦王蜂蟬長目豺聲狼心居約能出人下得志亦輕會人不可久與游乃亡在秦王覺固止之以爲國尉世稱尉繚子尉繚子著書三十一篇其兵談篇曰兵勝于朝廷不舉甲而勝者主勝也敵而勝者將勝也兵起非可以忿也

民勝則與不見勝則止爲將者寬不可激以怒情不可事  
以財戰威篇曰國必有禮信親忠之義則可以創易他國  
必有孝慈廉恥之俗則可以必易生武讓篇曰凡兵不攻  
無過之城不殺無辜之人故兵者所以誅暴亂禁不義也  
兵之所加者輿不離其田業賈不離其肆宅士大夫不離  
官府故兵不血刃而天下親勇當殺者雖貴重必殺之是  
刑上究也賞及牛童馬圉是賞下流也夫能刑上究賞下  
流是將之武也治本篇曰野物不爲犧牲稼學不爲通儒  
此其言之善者也

秦紀尉繚子台纂尉繚子首篇有答義  
惠王語或觀字誤或應字誤呂氏曰尉

蘇之計與李斯同辨此唐雖之議合從後此陳平之閒  
楚以金幣之術每用中然則言建義廉恥于多事之秋  
可以為迂  
關平哉

韓欲殺秦人使無東伐乃使水工鄭國為閼于秦鑿涇水

自中山西抵瓠口為渠

河渠書索隱瓠口即谷口中音仲亦作仲又見武帝紀封禪書索隱

楊北山東注洛三百餘里以溉田中作而覺

中半也

秦人欲

殺之鄭國曰臣為韓延數年之命然渠成亦秦萬世之利

也乃使卒為渠渠訖成注填開之谷溉陽南之地四萬餘

頃收皆畝一鍾關中由是益富饒因名曰鄭國渠

史何渠

通志合編舊史書于始皇元年季以李斯事推闡此

秦王拜李斯爲客卿會鄭國作渠事覺秦宗室大臣皆言  
于秦王曰諸國人來事秦者大抵爲其主游閒耳請一切  
逐客秦王從之下令逐客大索十日客卿李斯亦在逐中  
行且上書曰臣聞吏議逐客竊以爲過矣曾穆公求士西  
取由余于戎東得百里奚于宛迎蹇叔于宋求平豹公孫  
支于晉此五者不產于秦而繆公用之并國二十遂霸西  
戎孝公用商鞅之法移風易俗民以殷盛國以富彊百姓  
樂用諸侯親服獲楚魏之師舉地千里至今治彊惠王用  
張儀之計拔三川之地西并巴蜀北取上郡南取漢中包

九夷制鄢郢東據成皋之險割膏腴之壤遂轍六國之從  
使之西面事秦功施到今昭王得范雎廢穰侯逐華陽彊  
公室杜私門蠶食諸侯使秦成帝業此四君者皆以客之  
功由是觀之客何負于秦哉向使四君卻客而不納疏士  
而不用是使國無富利之實而秦何有疆大之名也陛下  
致昆山之玉玩隨和之寶俶明月之珠服大阿之劍桑織  
離之馬建翠鳳之旗樹靈鼉之鼓此數寶者秦不生一焉  
如陛下所說必秦之所生然後可則是夜光之璧不飾朝  
廷犀象之器不爲玩好鄭衛之女不充後宮駿良駉駉不



實外殿江南金錫不爲用西蜀丹青不爲采所以飾後宮  
充下陳娛心意說耳目者必出于秦然後可則是宛珠之  
簪傅璣之珥阿綳之衣錦繡之飾不進于房而隨俗雅化  
佳冶窈窕之趙女不立于側也夫擊壤叩鉦彈箏搏髀而  
歌呼嗚嗚快耳目者真秦之聲也鄭衛桑間虞韶武象者  
異國之樂也今棄擊壤叩鉦而就鄭衛退彈箏而取韶武  
若是者何也使意當其適觀而已矣今取人則不然不問  
可否不論曲直非秦者不爲客者逐然則所重者在乎色  
樂珠玉而所輕者在乎人民也此非所以跨海內制諸侯

之衝也臣聞地廣者衆多國大者人衆是以泰山不讓土  
壤故能成其高河海不擇細流故能成其深王者不卻眾  
庶故能明其德是以地無四方民無異國四時充美鬼神  
降福此五帝三王之所以無敵也今乃棄黔首以資敵國  
卻賓客以業諸侯使天下之士退而不敢西鄉裹足不入  
秦此所謂藉寇兵而資盜糧者也夫物不產乎秦可寶者  
多士不產于秦願忠者衆今逐客以資敵國損民以益仇  
內自虛而外樹怨于諸侯求國無危不可得也秦王乃召  
李斯復其官除逐客之令李斯至驪邑而遷于是用李斯

陳陰遣辯士齊金並游說諸國諸國名士可將以財者厚  
結之不可者利劍刺之離其君臣之計然後以國將隨其

後敗率卒兼天下

秦紀  
李傳

乙丑趙悼襄王九年秦始皇十一年

趙攻燕取狸陽城秦王主之也燕王聞之使人說秦王曰趙

南鄰秦北鄰燕地廣三百里國小而地無所取所以不敢

報秦也今王使趙北并燕趙燕同力必不復受命于秦矣

秦王以為然乃使王翦桓齮楊端和伐趙攻鄴拔之王翦

復攻閼與櫟陽破之獲九城

燕策秦紀趙世家王翦傳合編秦紀以成九城為攻鄴事

與趙  
傳異

趙廉頗奔魏數年魏不能用而趙師數困趙王使人視頗  
尚可用否頗見使者一飯斗米肉十斤被甲上馬以示可  
用頗之仇郭開多與使者金令毀之使者乃詐報曰廉將  
軍老尚能飯然與臣坐頃之三遺矢矣趙王遂不召是後  
楚人迎之一爲楚將無功曰我欲用趙人遂卒于楚

廉頗傳

趙王假燕諡曰悼襄子遷立遷策以無行問于國其母倡  
也并嫁而亂一宗旣歟趙王聞其色美欲娶之李牧諫曰  
不可女之不正國家所由衰也此女亂一宗大王不與乎

趙王曰亂與不亂在寡人爲政擇賢之賢子趙王生遷送

國贈太子嘉而廢之世家列女傳七漢書封唐高台集嘉

之材者不忠有用之嘉而無行之德乎廉頗棄于敵李牧傷于趙太子嘉怒于變此趙之所以亡也

秦令呂不韋徙蜀本傳

丙寅趙幽繆王元年秦始皇十二季

秦發四郡卒助魏擊楚季表

秦呂不韋飲酖死編年本傳秦紀索隱

天下大旱自六月不雨至八月乃雨秦紀

趙城柏人趙世家

丁卯

秦始皇十三年趙幽繆王二年韓王安五年

正月彗星見東方

秦紀

秦桓齮攻趙平陽武城殺趙將扈輒斬首十萬

率表秦紀趙世家

韓公子非適秦初非與李斯同事荀卿斯自以為不如非

其後非學未成而習申商刑名法術之學託之老氏

漢武帝紀

注李奇曰申不害執術尚法為法實不失卑刑不譴尊然深刻無恩得韓非兼行申商術

見韓之削弱

數以書諫韓王不用于是發憤繕書其書毀誹堯舜禹湯

文武孔子以仁義為不足以治世而別有法術行之或傳

其書至秦秦王見孤憤五刑之篇曰嗟乎寡人得見斯人

游然不悞李斯曰此韓非所著書也韓王見秦之彊欲弱  
之使非適秦既至上書于秦王曰天下合從與秦爲難臣  
竊笑之臣聞以亂攻治者亡以邪攻正者亡以逆攻順者  
亡今天下之府庫不盈國倉空虛悉其士民張軍數十百  
萬而皆卻在不能死非士民不能死也實罰不信故也獨  
秦出號令而信賞罰是以民貴奮死也夫一人奮死可以  
對十十可以對百百可以對千千可以對萬對當也萬可以  
克天下矣然而四鄰諸侯不服霸王之名不立謀臣皆不  
盡其忠也大王誠聽臣說天下之從不破趙不舉韓不亡

荆魏不臣齊燕不親大王斬臣以徇書上秦王說之未信  
用李斯淡忌之有姚賈者以車百乘金千斤出使四國至  
此飾辭以報秦王大說封千戶韓非諫曰賈以珍珠重寶  
適荆齊燕代以王之權徒外自交耳賈梁監門子盜于梁  
逐于趙而取梁之盜趙之逐臣與同知社稷之計非所以  
勵羣臣也秦王信姚賈言由是李斯與姚賈其譖非韓非  
見秦弟一篇秦策合編韓世家書使非于是季終言囚殺  
事通鑑非明秦囚殺皆編于明季策吳注云始皇十三季  
上書次季見殺今從吳分編二季非言舉趙亡韓欲自飾  
其存韓之實誦其存韓弟二篇可見通鑑譏其欲覆宗國  
事不容于必  
失之不察



戊辰秦始皇十四年趙幽繆王三年韓王安六年

秦桓齮伐趙攻齊麗安趙使李牧將戰于肥下大破秦

軍桓齮奔趙封李牧爲武安君秦紀趙世家李牧傳大事記

韓非上存韓之策于秦王曰臣聞貴臣之計舉兵將伐韓

韓小國也主辱臣苦上下同患久矣伐韓未可一季而滅

拔一城而返則權輕于天下天下推我兵矣臣之計請使

人至荆重幣用事之臣告以趙之欺秦與魏質以安其心

從韓而伐趙趙雖與齊爲一不患也齊趙事畢則韓可

移書而定李斯曰韓客所上書臣斯甚以爲不然秦之有

韓若人有心腹之病也今專于齊趙則韓必爲心腹之病而發矣非之來也必爲其能存韓也爲重于韓也辨說屬辭以釣利于秦此自便之計也臣斯請往見韓王使來入見大王因納其身而勿遣稍召其社稷之臣以與韓人爲市則韓可淡割也秦王從斯計斯至韓令韓王納地獻璽于是秦王益信斯疑非斯復譖非秦王使吏治之下獄李斯使人遺非藥令早自殺秦王悔使人赦之非已死非嘗嘗五十五篇意近申商駁書也而讀其難言與說難知人臣數納之取禍讀其難一難二難三難四知古書襍掇之

定致讀其顯學知備者標宗旨立學案之易差稽古內自

省厥書皆舊編也韓非存韓第二篇秦策韓傳李傳參定式三請韓李之才正用之即聖門之文

學也楊墨德行蘇張言詰申商政事推之皆誤用可惜

已巳秦始皇十五年趙幽繆王四年李燕王喜二十三年

彗星四見久者八十日長或竟天史天官書

燕質子丹請于秦王求歸秦王曰烏頭白馬生角乃可未

幾丹自秦亡補季表趙世家風俗雖論衡台編秦策甘茂傳言趙割五城歸秦秦歸燕太子與此異

烏頭白史作天雨粟亦異

秦大興兵伐趙一軍至鄴一軍至太原取狼孟復攻番吾

武安君李牧與之戰破秦軍秦紀李牧傳

秦地震秦紀

庚午秦始皇十六年韓王安八年魏景湣王十二年趙幽繆王五年

秦使內史騰受韓所獻地年表

魏獻地于秦秦紀魏世家

趙地地震自樂徐以西北至平陰臺屋牆垣大半壞地塲

東西百三十步趙世家年表天官書正義

秦初令男子書年秦紀

辛未秦始皇十七年韓王安九年趙幽繆王六年衛元君二十二年

秦內史騰率師滅韓虜韓王安以其地置潁川郡韓橫陽  
君成公在韓臣有張良者年少未仕當韓破時良家僅三  
百人弟成不葬悉以家財求客刺秦王為韓謀報仇以大  
父開地暨父平相韓五世故也良學禮淮陽遂東見倉海  
君得力士能運鐵椎百二十斤者與之游身自習韜略  
秦紀韓世家畱侯世家說苑復恩台編五世謂昭  
侯宣惠王襄哀王釐王相惠王也成後為韓王

秦趙大饑趙民譌言曰趙為號秦為笑以為不信觀地之  
生毛秦紀趙世家

衛君蒧諡曰元子角立世家季襄異此依表

秦地震秦紀

壬申

衛君角元卒秦始皇十八年趙幽穆王七年

秦定韓地

季表

秦王翦將上地兵下井陘楊端和將河內兵其伐趙趙武安君李牧與司馬尙禦之秦師數敗殺桓齮王翦大恐乃多與趙變臣郭開等金使爲反閒曰李牧司馬尙欲與秦反趙以多取封于秦又悼襄王后樂怨武安君李牧亦譖之于是趙王疑使趙蔥顏聚代將兵趙臣韓倉數譖武安君牧武安君牧至趙王使韓倉數其舉曰將軍戰勝王觴

將軍將軍爲壽而扞七首舉當歿武安君牧曰緹病  
鉤身大臂短不能及地恐起居不敬獲歿舉于冝故使工  
人爲木杖以接手上若不信緹請出示出之袖中狀如振  
相纏之以布韓倉曰受命于王賜將軍歿不赦武安君牧  
乃北面再拜縮劍將自誅乃曰人臣不得自殺宮中過司  
馬門趨甚疾出諺門右舉劍自誅臂短不能及乃銜劍入  
之于柱以自刺趙策列女傳七漢書馮唐傳文選謝靈運  
初發都詩注合編史言牧以不受代而誅

今據大事記及策吳注正之呂氏

曰牧使不受命韓倉安得數之

癸酉

秦始皇十九年趙幽繆王八年燕王喜二  
十七年楚幽王十年魏景湣王十五年

秦王翦擊趙軍大破之殺趙扈顏聚亾遂克邯鄲虜趙王

遷趙滅亾武安君李牧之歿五月

國策趙世家李牧歿于忠雖歿至今如生郭開

以一人毀顏牧二將未知歿處

秦王如邯鄲凡與母家有仇怨者皆殺之遷從太原上郡

歸秦紀

秦將王翦屯兵中山以臨燕

秦紀

趙公子嘉連其宗數百人奔代自立爲代王趙之亾大夫

歸之與燕合兵軍上谷

秦紀趙世家大事記

楚王悍蒺謚曰幽國人立其弟猶三月猶庶兄負芻弑猶



自立猶諶哀

依世家編列女傳云公子負芻之徒聞知幽王非考列王子疑哀王乃襲殺哀王及太后

盡滅李國之族然則負芻謀篡楊景楚趙楚事有不實者當及

秦大饑

秦紀

魏王增諶諶曰景湣子假立

世家

燕太子丹初以質秦怨秦王遇之無禮甫歸欲報之問其傅鞠武鞠武欲西約三晉南連齊楚北媾匈奴以圖秦丹曰太傅之計曠日持久且諸國不足恃頃之秦將樊於期得舉亡燕丹舍之鞠武以為不可丹曰樊將軍窮困歸身于丹是丹命卒之時也鞠武曰結一人之交不顧國家之

大害此謂增怨而助禍矣丹不聽有衛人荆軻適燕與燕  
狗屠及善擊筑者高漸離深相悉每日三人飲酒于市酒  
酣高漸離擊筑荆軻歌以爲樂已而相泣旁若無人者處  
士田光先生善待之知其非庸人也丹因鞠武得交田光  
問以報仇事田光以荆軻薦于是舍荆軻爲上客奉養無  
所不至及王翦滅趙丹想欲遣荆軻行軻曰行而無信秦  
王不可近也誠得樊將軍首與燕督亢之圖以獻秦王必  
說見臣臣乃有以報丹曰樊將軍窮困歸丹丹何忍也荆  
軻乃私見樊於期曰秦之待將軍苛矣父母宗族皆慘沒

今購將軍首金千斤邑萬家將奈何於期仰天太息流涕  
曰計將安出荆軻曰願得將軍之首以獻秦王秦王必喜  
而見臣臣左手把其袖右手搥其胸則將軍之仇報而燕  
見陵之愧除矣於期曰此僕之日夜切齒拊心也遂自刎  
丹聞之奔往伏哭然已無奈何遂以函盛於期首先是丹  
求天下之利匕首得徐夫人匕首索隱徐姓夫人名男子也買之百金  
使工以藥焯之以試人血濡縷人無不立死者乃爲裝遣  
荆軻燕國有秦武陽年十三殺人人不敢忤視乃令秦武  
陽爲副荆軻有所待欲與俱其人居遠未來而爲畱待頃

之未發丹遲之疑其改悔乃復請之曰日已盡矣荆卿豈  
無意哉丹請先遣秦武陽荆柯怒叱丹曰今日往而不返  
者豈子也且提一匕首入不測之彊秦僕所以畱者待吾  
客與俱今太子遲之請辭決矣遂發丹之賓客知其事者  
皆白衣冠以送之至易水之上既祖取道高漸離擊筑荆  
柯和而歌爲變徵之聲士皆淚涕泣又再爲歌曰風蕭  
蕭兮易水寒壯士一去兮不復還復爲羽聲慷慨士皆瞋  
目髮盡上衝冠于是荆柯遂就車而去終已不顧

燕策史  
刺客傳

合編

甲戌

秦王假楚王質蘇代主嘉元季秦  
始皇二十季秦主喜二十八季

燕荆軻至咸陽因秦王寵臣蒙嘉卑辭求見秦王大喜朝服設九賓見于咸陽宮荆軻奉樊於期頭函秦武陽奉地圖匣以次進至陞秦武陽色變震恐羣臣怪之荆軻顧笑武陽并謝曰北蕃蠻夷之鄙人未嘗見天子故震懼願大王少假借之俾畢使事秦王謂軻曰取武陽所持地圖軻既取圖奏之秦王發圖圖窮而匕首見軻左手把秦王之袖右手持匕首挺之未至身秦王愕然自引起袖絕拔劍劍長操其室且惶急劍堅不可立拔荆軻逐秦王環柱而

在秦宮中殿上者不得持尺寸之兵諸郎中執兵皆  
陳殿下非有詔召不得上方急時不及召下兵以故荆軻  
逐秦王羣臣惶急無以擊軻僅以手共搏之惟侍醫夏無  
且以所奉藥囊提荆軻秦王環柱惶急不知所爲左右曰  
王負劍王負劍秦王遂拔劍擊軻斷軻左股軻廢乃引七  
首以提秦王不中中銅柱秦王復擊軻軻被八創知事不  
就倚柱而笑箕踞而罵左右遂并殺軻秦王不怡良久已  
而論功賞羣臣及當坐者各有差賜夏無且黃金二百鎰  
于是秦王大怒燕益發兵使王翦辛勝將大破燕代之師

于易水之西

燕策秦紀燕世家刺客傳稽古錄參定

白虹貫日

依論衡感虛分錄

乙亥

秦始皇二十一年燕王喜二十九年楚王負芻二年

秦王翦破燕太子丹軍拔薊燕王東保遼東翦斬太子丹

首以獻秦王

秦紀燕世家

秦王賁伐楚取十餘城

秦表世家

秦將李信率少而勇壯嘗以兵數千人逐燕太子丹軍卒

破之得丹秦王恣其勇以攻楚事問之曰吾欲攻楚度用

幾何人而足李信曰用二十萬人復問王翦翦曰非六十

萬人不可秦王曰王將軍老矣何恡也李將軍果勢壯勇

其言是也遂使李信蒙恬將兵二十萬伐楚王翦因謝病

歸潁陽

據秦紀王翦謝病在此季參酌傳定

大雪平地深二尺五寸

秦紀

丙子

秦始皇二十二年魏王假三年楚王負芻三年

秦王黃伐魏引河溝水灌大梁虜其王假殺之遂滅魏

季表

世家黃霸之子也

秦以魏亡不得其少子下令魏國曰有得公子者金千斤

匿者舉九族人謂公子之乳母曰得公子者賞甚重乳母



必知公子處盜言之乳母曰我不知其處雖知之外則死  
不言也爲人養子不能隱而言之是畏死叛上也吾聞忠  
不叛上勇不畏死凡養人子者生之不可殺之吾不能自  
生而使公子獨死也遂與公子俱逃澤中有魏故臣告秦  
軍秦軍射之乳母以身蔽之著十二矢與公子俱死是時  
魏有甯陵君咎與從弟豹同逃信陵君之客外黃令張耳  
與魏僑陳餘交變姓名而亡韓詩外傳九列女傳五及  
史漢書魏豹張耳傳參定

咎後爲  
魏王

秦王使人謂安陵君曰寡人欲以五百里之地易安陵安

陵君對曰大王加惠以大易小甚善雖然受地于魏之先  
王願終守不敢易因使唐雎入秦秦王曰秦滅魏君以五  
十里之地存者以君爲長者故不錯意也今以十倍之地  
請廣于君而君逆之其輕寡人與唐雎對曰否非若是也  
夫不以利害爲趣者安陵君也安陵君受地于魏王而守  
之雖千里不敢易也秦王勃然怒曰公亦嘗聞天子之怒  
乎唐雎曰臣未聞也秦王曰天子之怒伏屍百萬流血千  
里唐雎曰大王嘗聞布衣士之怒乎秦王曰布衣士之怒  
亦免冠徒跣以頭搶地耳唐雎曰此庸夫之怒也非士之

怒也夫專諸之刺王僚也彗星襲月聶政之刺韓傀也白虹貫日要離之刺慶忌也蒼鷹擊于殿上此三子皆布衣之士也懷怒未發休祿降于天與臣將四矣士無怒則已一怒伏屍二人流血五步天下縞素今日是也秦王色撓長跪而謝曰先生坐何至于此寡人諫矣魏亡而安陵以五十里之地存者以有先生也

魏策說苑奉使合編說苑唐雖作唐且安陵作鄢陵

或曰此烏有之事可刪式三謂戰國大者稱王次稱侯又次稱君如附庸耳齊滅而孟嘗君存安陵類此與

秦將李信連師攻楚平輿蒙恬攻寢邱大破楚軍信又攻鄢郢破之于是引兵而西與蒙恬會城父楚人襲之三日

三夜不頓舍大敗李信軍入兩壁殺七都尉王翦傳

秦置碭郡據水經注編漢高祖爲碭長卽此

丁丑秦始皇二十三年楚王負芻四年

秦將王翦謝病久秦王以李信之敗欲彊起之乃自馳如  
頻陽謝王翦曰寡人不用將軍謀李信果辱秦軍今聞荆  
軍日進而西將軍雖病忍棄寡人乎翦謝病秦王曰已矣  
勿復言翦曰必不得已用臣非六十萬人不可秦王曰聽  
將軍計耳于是王翦將六十萬人伐楚秦王自送至灞上  
翦行請美田宅園池甚多秦王曰將軍行矣何患貧乎翦

以爲大王將有功終不得封侯幸值大王之鄉臣臣亦及時請田宅爲子孫業耳秦王大笑翦既行至關使人還請善田宅者五輩或曰將軍之乞貸亦已甚矣翦曰不然王不信人今空國中之甲士而專委于我我不多請田宅願令王疑我耶王翦至楚楚人悉國中兵以禦之王翦堅壁而守楚人挑戰終不出曰休士洗馬善飲會以撫循之久之王翦使人問軍中戲乎對曰方投石超距翦曰可用矣楚人以秦兵不戰乃引軍而東翦因舉兵追之令壯士擊破楚師取陳以南至平輿虜楚王負芻而有懷王之孫心

亡命牧羊

秦紀參藹傳項紀穰心即楚漢所奉為義帝以

上

秦置泗水郡

水經注二十四卷後泗水郡改沛郡漢高祖初為泗上亭長後封蕭此也

秦置薛郡

水經注二十五卷即魯曲阜地

秦王辟至郢陳楚將項燕立昌平君為荆王反秦于淮南

有陳人周文者將事春申君至是為項燕視曰

秦紀陳涉世家參定

周文亦

作周章

成實

秦始皇二十四年楚昌平君二年

秦王與陳武滅楚昌平君死項燕自殺項燕之子梁孫籍

臣秦紀項紀合編籍後併楚王全謝山曰秦滅六國其  
世臣無能與國同患者收餘美以相抗止楚之項燕  
狼顧諸博浪沙中以報故國之仇者止韓之張良究觀秦  
所以亡陳勝假之以發難項籍因之以成事而張良卒收  
其功世臣為故國重于此見之

已卯秦始皇二十五年王嘉六季

秦王賁攻燕拔遼東滅燕虜燕王喜還滅代虜代王嘉是

時燕之上谷卒史韓廣亡忤趙之宗人在代者多死而趙

歇亡忤

秦紀趙燕世家王翦傳陳涉世家張耳陳餘傳注合編史集解漢書注皆言歇趙之苗裔廣後為燕

王歇後為趙王

秦王翦悉定楚江南地降越諸王為君置會稽郡

始皇三十三年

伐越置桂林南海象郡今兩廣地此見秦紀  
翦傳越之并吳地既定而後南越居紹興諸郡者至是秦降之也而  
越猶未盡滅故史東越傳曰閩越王無諸越東海王搖者皆越王句踐之後也秦并天下皆廢為君長及諸侯叛秦  
無諸搖達越兵從鄱陽君入閩滅秦後復佐漢滅楚而立無諸為閩越王搖為東海王亦曰東甌王  
五月秦令民大酺秦紀

庚辰秦始皇二十六年  
齊王建四十四年

秦王賁蒙恬攻齊入臨淄齊王建降齊王建有三過人之  
巧力能引彊走先馳馬超能越高而身降國滅不知人也  
初君王后事秦謹不與五國約從以故十餘年不受秦兵  
及君王后死後勝相齊賓客多受秦閒金皆為反閒勸王



朝秦不修攻戰之備齊王聽之入朝于秦雍門司馬橫戟  
當馬屏諫曰所以立王者爲社稷也爲社稷立王柰何去  
社稷而入秦齊王還車而返卽墨大夫聞齊王之從諫也  
以爲猶可與謀以擇賢收地勸不能從旣而秦使陳馳誘  
之約封以五百里遂降秦秦遷建于其處松柏之間餓而  
死齊人歌之曰松耶柏耶住建者客耶痛建用客之不詳  
也是時齊王建之弟田假孫田安與其彊宗田儋田榮田  
橫田角田都田閒偕子市榮子廣皆亾而秦旣滅齊天  
下一統遂自稱始皇帝以爲子孫自二世至萬世不絕也

越十四季諸國滅秦齊策秦紀蒙恬傳田儼傳淮南子秦族烈北堂書鈔武功部太平御覽兵部台編

周季綱略卷九

浙江書局刊

備者或嘗必可質鬼神俟後聖乃得無憾經學如是史學  
亦然史家于古人之事迹未能精核而毀與譽均失上誣  
古賢下惑來學韓子所謂不有人禍必有天刑漢可畏也  
周季編略彙再易卒得方雪齋先生校讀一周後四五更  
改欲就正有道未遇其人今騰寫已畢惛方先生已爲古  
人不見此書欲竭數月功復自校之校甫四日口漱神昏  
老不足用矣儻後日子孫能請博雅君子更正之遇有謬  
處懇列姓名詳言所謬之實并彙于各條下如子孫能自  
校正亦可列名書之祇求尙論之無羞毋掩鄙說之不是

既經救過且免人禍天刑云爾戊午六月做居老人季七  
十壽後

今季六月初旬日讀易一卦或數日一卦釋恩舊義鈔有  
新得精力疲于并知鄭日之所論箸無能自糾正矣季子  
以周自三月中旬起七月初畢校讀周季編略翻閱原書  
擇取異同商改十數處如田需之从移而并惠施之逐移  
而後皆依校定所作越世家補并詳析確實余亦依以  
訂正尤事之大者雖然讀書如墮落葉是書之待改果止  
于是乎因是望後之能校者也校于余所及見之日余

得據改校千余不及見之後不能更正直言余誤而已存  
醇太疵是爲諱子愿余所願夫復何嫌己未七月傲居老  
人年七十一又書後

新周之興也開基豐桑歸本忠厚以故縣縣瓜瓞卜鼎逾  
期迨戰國爭雄而元氣朶削殆盡矣然先王遺澤猶不至  
蕩然無餘焉則卜子商曾子參孔子伋尙存後則孟子軻  
荀子況鍾起皆足以接斯文正統而屈原之忠不忘君魯  
連之義不受餽魏文燕昭之克自振拔信陵望諸之卓爲  
人豪莫不照耀古今爲班表中所不多觀惟左氏傳終貞  
王元季司馬通鑑始威烈王二十三季焉旣闕三王六十  
四季之事而後所編周末之事亦多疏漏大事記補之書  
復不成黃君薇香乃博覽羣書斐然有作以國策史記爲

主輔以通鑑稽古錄大事記參以汲冢紀年鄺氏水經注  
荀采諸子傳記于時事有關合者彙而編之分若列眉合  
若貫串每條下各載出處令人易于覆檢卽用大事記之  
例尤非杜撰炫博者比間有刪縣就簡并與原書有異者  
此纂誤之體所以別于鈔胥而擇善而從不拘一說正見  
其公取之明而不苟也至于二百四十八季中之嘉言懿  
行錄之倍詳誠有如自敘所云周季之衰猶見周德之遺  
者視唐劉允濟纂後春秋 國朝陳泗源戰國通表有過  
之無不及矣書成命讀因爲之校閱一周綴數言于簡末



道光丁未秋日雪齋弟方成珪撰